

千

甃

亭

磚

錄

千甓亭磚錄卷之三

存齋雜纂

歸安陸心源

晉

晉永寧磚

長九寸一分厚一寸七分文曰永寧元年七月十八日下端有太歲在辛酉五字反文晉惠帝第五改元也隸書似曹全碑出烏程

又長一尺五分厚一寸六分文曰永寧元年吳興東遷下端楊長所作四字出烏程周後伯僑封于楊其子孫以國爲氏見元和姓纂楊長于史乘無

攷楊氏磚出郡境者此外有太康楊普壁永興楊
楊氏興功升平楊季壁楊仲壁各磚魏晉之際當
爲吳興大族案晉書地理志吳興郡統縣十一其
五曰東遷在今烏程歸安兩縣境

又長一尺四分厚一寸三分文曰永寧元年太歲
在辛酉潘氏作下端有萬歲永封四字潘氏墓磚
也出烏程

又長一尺一寸厚一寸六分文曰永寧元年七月
十六日莫奉作凡十二字反文出長興莫氏墓磚
也莫奉于志乘無攷

又長一尺一分厚一寸一分文曰永寧元年八月
丁巳朔十五日永寧元年八五字爲一格下七字
爲一格出烏程

又長六寸厚一寸五分文曰永寧元年四字下斷
出烏程

又長六寸四分厚一寸五分文曰永寧元年歲在
辛下斷出長興

又長九寸七分厚一寸二分文曰永寧元年太歲
在辛酉出長興

又長七寸四分厚一寸四分文曰永寧元年八月

十日下缺出烏程

又長一尺厚一寸六分左側文曰永寧元年太歲
在辛右側文曰酉八月廿日汝氏立上端兩頭書
窗文中間泉文下端×文出長興汝氏墓磚也案
汝氏爲汝鳩汝方之後望潁川見元和姓纂

又長一尺一分厚一寸五分左側文曰永寧元年
李瑞作大冢右側永寧元年李瑞立冢皆反文李
氏墓磚也出長興

又長一尺三分厚一寸四分文曰永寧元年李瑞
作大冢九字反文出長興

又長五寸五分厚一寸四分文曰永寧元年七月
廿凡七字反文下斷上端有泉刀文出烏程

又長一尺一分厚一寸三分文曰永寧元年孝子
典南兩字一格出烏程案典姓也不知所自出魏
有典韋

又長四寸六分厚一寸三分文僅永寧元三字一
格一字上端×文出烏程

又長九寸七分厚一寸三分文曰永寧元年八月
×日凡九字下一字不可辨出烏程

又長一尺七分厚一寸四分文曰永寧元年八月

廿六日永里陳下一字不可辨案後漢書郡國志
烏程下注引吳興記曰西北下山有項藉祠興平
二年太守許貢奏分縣爲永縣案晉書無永縣之
名則三國時已廢想永縣廢後其地遂名永里此
磚出烏程西北鄉其卽永縣舊址歟

又長一尺厚一寸四分文曰永寧二年八月乙丑
朔七日俞冢右側有魚鱗文永寧二年十二月改
元太安磚作于八月故猶稱永寧案通鑑目錄是
年七月戊寅朔九月丁丑朔與徐作磚及廿四日
作磚皆合則八月當爲丁未朔乙丑乃八月十八

日也磚作八月乙丑朔匠人誤書也出烏程

又長一尺二分厚一寸四分文曰永寧二年八月
作七字反文寧作寧上端兩格書窗文

又長一尺二寸一分厚一寸七分文曰永寧二年
八月十八日施晏所作施氏墓磚也出烏程

又長一尺厚一寸三分文曰永寧二年太歲在壬
戌凡九字反文出烏程

又長一尺厚一寸六分文曰永寧元年歲在辛酉
蔡作寧作寧已缺末筆上下端書窗文出烏程

又長五寸厚一寸四分文曰永寧二年四字下斷

出烏程

又長一尺四寸厚一寸三分文曰永寧二年太歲
在壬戌七月下端文曰戊寅朔徐作案通鑑目
錄七月戊寅朔與磚合徐偃王爲楚所滅子孫以
國爲氏其後有徐明漢河南太守明五代孫寧寧
曾孫廣之晉吳興太守因居長城其後有徐眺堅
見元和姓纂又徐詳字子明烏程人見吳志孫權
傳在廣之之前磚出烏程其卽詳之苗裔歟
又長一尺一分厚一寸二分文曰永寧二年七月
戊寅朔廿四日作下不可辨出烏程

又長五寸七分厚一寸三分上端文曰永寧二年
八月作功永字半泐左側有萬歲二字出烏程
又長五寸五分厚一寸五分文曰永寧二年太一
字一格下斷出烏程

又長五寸五分厚一寸四分上端文曰永寧三年
八月施祀左側文曰萬歲下斷出烏程施氏墓碑
也祀人名

晉太安磚

長八寸厚一寸四分文曰太安元年七月廿四日
作下端兩格×文惠帝第六改元也案永寧二年

十二月始改元太安磚作于七月已稱大安不可解也出烏程

又長九寸七分厚一寸三分文曰太安二年太歲在亥作凡九字反文出烏程

又長九寸七分厚一寸三分文曰晉太安二年歲在癸亥施氏貴上端文曰壽宜孫龔下端兩格古泉文子作龔與古文四聲韻所引古老子之龔字相似施氏墓磚也出烏程

又長五寸三分厚一寸六分上端文曰大安二年七月書法奇肆似楊煥沈君兩闕右側古篆文上

格一字磨滅不可辨下格作𠂔出烏程

晉永安甄

長九寸八分厚一寸一分文曰永安元年七月十一惠帝第七改元也是年七月改元建武民間未知也出烏程

又長九寸七分厚一寸四分文曰永安二年太歲在丙子十月八日案晉永安元年甲子二年乙丑吳永安則元年戊寅二年己卯矣蓋是晉永安二年匠人誤以元年干支爲二年干支又誤甲爲丙耳出長興

又長一尺五分厚一寸四分文曰永安二年歲在乙丑八月廿日造功反文上端兩格書窗文案甲子正月改永安七月改建武十一月復稱永安十一月改元永興是乙丑當稱永興二年蓋是時天下大亂中原隔絕故東南之民猶有用永安紀元者出烏程

晉建武磚

長五寸八分厚一寸一分上端文曰建武元年右側又文下斷惠帝第八改元也是年七月改元建武十二月改永興矣出烏程

晉永興磚

長一尺一寸五分厚一寸四分上端文曰永興丑
年作反文下端管賤字土同左側窗文間以古篆
惠帝第九改元也案永興二年乙丑不紀元而紀
干支亦創格也出烏程管賤于志乘無考

又長一尺三分厚一寸五分以上端文曰永興丑年
作反文下端文曰管土發作左側窗文間以古篆
右側文曰永嘉六年大歲在申八月十日下一字
不可辨永嘉紀元在永興後蓋匠人誤合兩範爲
一也管土發管姓而名土發也出烏程

又長六寸厚一寸三分上斷中間文曰永興二年
下銳文出烏程

又長三寸三分厚一寸四分文曰永興二年上端
文曰盛冢出烏程

晉光熙磚

長四寸四分厚一寸一分文曰光熙元年四字下
斷上端斜文惠帝第十改元也丙寅六月改元光
熙明年七月改元永嘉出烏程

又長四寸六分厚一寸三分文曰光熙元年下斷
光字半側已磨滅上端有雙鳥對飛形出長興

晉永嘉磚

長八寸八分厚一寸四分文曰永嘉元年八月十日懷帝紀元也出烏程

又長一尺厚一寸三分文曰永嘉元年七月廿日立功左側龍形上下端×文出烏程

又長五寸五分厚一寸四分上端文曰永嘉元年左側文曰歲在丁卯八下斷出烏程

又長九寸三分厚一寸三分左側文曰永嘉元年八月十日立功右側文曰吳興烏程俞道由兄弟凡九字反文上端文曰治作之下端俞道初三字

案晉書地理志吳興郡領縣十一其一曰烏程此蓋道由兄弟所造墓磚也道由道初于志乘無攷又長九寸四分厚一寸三分文同前磚面有道由作此四大字行書是以刀劃坯者

又長九寸四分厚一寸三分左側文曰永嘉元年八月十日立功右側文曰吳興烏程俞道兄弟凡八字反文上端俞道初下端治作之此磚與前範同脫一由字

又長九寸四分厚一寸三分左側萬歲不敗四字反文上端永嘉元年下端朱安二字出烏程

又長一尺一分厚一寸六分文曰永嘉元年八月
十日作功凡十字反文出烏程

又長一尺厚一寸四分左側文曰永嘉元年歲丁
卯八月一日作凡十二字反文右側文曰晉國司
馬四字上端古篆文模糊不可辨下端兩頭書窗
文中間虎頭形案晉書職官志諸公及開府位從
公加兵者增置司馬一人秩千石驃騎已下及諸
大將軍置長史司馬各一人秩千石三品將軍置
長史司馬一人步兵屯騎越騎長水射聲等校尉
並置司馬其疆弩爲三部司馬王國置中尉司馬

磚稱晉國司馬必非三公及將軍屬官可知晉帝紀魏甘露三年封司馬昭爲晉王加九錫晉國置官司焉景元四年三月詔大將軍府增置司馬一人後四年爲咸熙二年受魏禪是年改元泰始後四十二年爲永嘉元年自景元四年至永嘉元年亦不過四十六年或所葬之人曾官晉國司馬平吳之後徙處吳興遂葬于此若元帝亦嘗先爲晉王矣然在永嘉丁卯之後十年不相及也出烏程又長一尺厚一寸二分文曰永嘉元年其歲在丁卯錢世上端文曰萬歲出烏程錢世于志乘無攷

又厚一寸五分長九寸七分上端文曰永加元年
左側文曰歲在丁卯八月一日己卯立功出烏程
又長一尺厚一寸三分文曰永嘉元年八月廿日
造作上端文曰呂士容出烏程呂士容造磚之人
于志乘無攷

又長九寸七分厚一寸五分左側文曰歲在丁卯
八月一日己卯立功下端有番作二字此與前磚
同範惟上端無永嘉元年四字番氏墓磚也出烏
程

又長八寸六分厚一寸二分文曰永嘉元八月一

三 卷之三
日下舍許望作下端世代相傳四字反文元下脫
一年字下舍里名許氏墓磚也望人名許爲楚所
滅子孫分散以國爲氏見元和姓纂漢有許頤故
鄆人見嘉泰吳興志許望于志乘無攷其頤之苗
裔歟出烏程

又長七寸二分厚一寸五分文曰永嘉二年七月
十五作反文出烏程

又長一尺一分厚一寸五分文曰永嘉二年太歲
在戊辰八月廿日立工上端兩頭花泉文中間水
浪紋出烏程

又長九寸四分厚一寸二分文曰永嘉二年八月
卅日立功出烏程

又長九寸六分厚一寸三分文曰永嘉二年八月
卅日立功夫上端文曰萬年出烏程

又長九寸八分厚一寸三分左側上如萬歲二字
下永嘉三年四字下端亦如萬歲二字出烏程

又長一尺厚一寸二分文曰永嘉三年八月廿四
日下泐不可辨上端又文出烏程

又長一尺厚一寸四分文曰永嘉三年九月錢烏
制凡九字反文右側兩頭囟文中間橫寶錠文有

帶錢氏墓磚也出烏程錢烏于志乘無攷

又長一尺九分厚一寸四分文曰永嘉三年八十五
日作十字反文作字下有花文出烏程

又長一尺一寸厚一寸八分文曰永嘉三年太歲
在己巳十五日上下端皆×文出長興

又長八寸八分厚一寸一分文曰永嘉三年八月
廿四右側□郡黃侯墓郡上一字不可辨上端×
文出烏程黃氏墓磚也

又長一尺一寸厚一寸一分文曰永嘉四年作出
烏程

又長九寸七分厚一寸三分文曰永嘉六年七月
廿日上有王字王氏墓磚也出烏程

又長一尺厚一寸三分文曰永嘉七年六月廿一
日上端有石作二字下端宜子孫三字石氏墓磚
也石氏爲衛大夫石碯之後出烏程

又長九寸六分厚一寸四分文曰永嘉七年七月
廿日作下端石作二字案七年四月改元建興磚
作于七月猶稱永嘉蓋民間尙未知也出烏程

又長九寸七分厚一寸二分文曰永嘉七年八月
廿三日作出烏程

晉建興磚

長五寸五分厚一寸二分文曰建興元年八月七
下斷出烏程晉愍帝紀元也

又長一尺一寸厚一寸一分上端文曰建興二年
四字左側文曰太歲在甲戌八月十七日作右側
文曰羅燕創立工夫也俱反文出烏程羅氏墓磚
也燕人名羅爲祝融之後有齊郡襄陽河東三族
見元和姓纂羅燕于史乘無攷創立工夫者創建
功程也郡志有待中羅含墓攷含之卒似尙在建
興之後則非含之墓磚矣

又長一尺一寸五分厚一寸五分上端文曰建興二年八月作下端文曰管士芝手作左側如萬歲不敗四字管士芝于志乘無攷出烏程

又長一尺五分厚一寸三分文曰建興二年歲在戌下泐下端文曰八月十五日作出烏程

又長一尺二分厚一寸四分文曰建興三年八月十日立作右側兩直格其一有乂文出烏程

又長一尺七分厚一寸六分文曰建興三年太歲在乙亥孫氏造上端文曰萬歲不敗下端文曰傳世富貴出長興此晉建興磚也吳建興三年卽五

鳳元年歲在甲戌非乙亥也陳氏經誤以爲吳建
興馮氏雲鵬石索仍之皆由未見全磚耳又一范
尺寸同上左側文亦同上端三錢文中間一泉曰
大泉五日兩邊兩幕文下端兩門釘形攷吳大帝
孫權嘉禾五年始制大泉五百後又制大泉當千
魏晉之際尙大泉可知惟百从一白白從一合曰
象形古無通用者以五百爲五日未知何義陳氏
金石圖馮氏石索亦誤屬吳

又一范尺寸同上左側文曰八月壬戌朔廿日辛
巳孫氏作上端文曰永未英下端文曰可久長此

磚與前兩建興同出長興李家巷皆孫氏墓磚也
陳氏馮氏誤亦同上案通鑑目錄建興三年八月
壬戌朔與磚合英爲央之借字說文央中央也一
曰久也詩庭燎釋文引說文一曰久也已也廣雅
釋詁一央盡也四央已也詩夜未央毛傳央旦也
愚謂旦者夜之盡也離騷時亦猶其未央爛昭昭
兮未央漢長樂宮瓦當文曰長樂未央建初磚曰
未央大吉皆取已盡之義古人同聲之字皆可通
用漢書楊雄傳日月纔經于楨板注中央也廣雅
釋詁鞅罔無賴也方言作央亾央可作鞅作楨則

央亦可作英矣

又長五寸一分厚一寸三分文曰建興三年八月
下斷出烏程

又長五寸厚一寸四分文曰建興三年下斷出烏
程

又長八寸八分厚一寸三分文曰建興三年八月
十日凡九字反文日字下有一字泐不可辨出烏
程

又長八寸三分厚一寸二分左側上有古泉文下
有文曰鄮建興三年盧恕造鄮字一格下七字一

格出窰波

又長九寸六分厚一寸三分文曰建興四年屠玉
誌上端八月六日四字俱反文下端有萬年二字
中間花文出烏程

又長九寸七分厚一寸一分文曰建興四年七月
丁亥朔廿上端文曰鄒邦□立四字反文立字上
一字不可辨下端花紋案通鑑目錄建興四年六
月丁巳朔九月丙戌朔七月當得丁亥朔與磚合
出烏程

又長一尺二分厚一寸一分文曰建興四年八月

十日作出烏程

又長一尺一分厚一寸六分文曰建興四年八月
子日作凡九字反文出烏程

又長四寸四分厚一寸二分文曰建興四年四字
四格下斷出烏程

晉建武磚

長一尺三分厚一寸三分文曰建武元年閏月十
八日戌宜右側同文缺一戌字俱反文上端一番
字攷通鑑目錄是年閏七月此閏月乃七月也出
烏程晉元帝第一改元也戌宜二字未詳

又長九寸厚一寸三分文曰建武元年太歲在丑
作上端文曰沈惠光作案漢光武帝晉元帝齊明
帝皆紀元建武光武建武元年歲在乙酉明帝建
武元年歲在甲戌惠帝建武元年歲在甲子此磚
在丑則元帝建武元年丁丑歲也出烏程

又長九寸五分厚一寸三分文曰建武元年太歲
在丑作出烏程

又長九寸五分厚一寸三分文曰建武元年在丑
沈惠光作上端文曰沈惠光作出烏程沈爲沈子
之後國爲楚所滅子孫以國爲氏漢光武時沈戎

始居吳興之餘不鄉後葬金鵝山有金鵝之祥子
姓蕃衍宋齊而後見于史乘者數十百人遂爲吳
興大族郡人目之爲地主其實見于碑者若潘若
管見于志乘者若吳若姚皆在沈氏之前蓋由沈
氏子孫貴盛妄自誇大愚民從而和之耳沈惠光
不見志乘其戎之後裔歟

晉大興磚

長一尺厚一寸三分文曰大興元年七月己巳朔
廿三日作晉元帝第二改元也案通鑑目錄七月
乙巳朔與磚不合或匠人誤乙爲己耳若磚文不

誤則乙巳當在八月初矣出烏程

又長五寸厚一寸二分文曰大興元年四字篆書
反文下斷出烏程

又長七寸厚一寸三分文曰大興三年太歲在辰
下斷是年歲在庚辰出烏程

又長一尺一寸三分厚一寸三分文曰大興四年
八月諫議大夫管作出烏程諫議大夫攷見前元
康磚下

又長九寸五分厚一寸四分文曰大興四年八月
吳寧送故作上端銳文出烏程

又長九寸七分厚一寸三分文曰大興四年八月
廿日下三字不可辨下端文曰咸和八年作五字
出歸安咸和八年上距大興四年凡十二年匠人
誤合二範爲一耳

又長九寸三分厚一寸三分文曰大興四年吳寧
送故吏民作上端錠文故吏民之文見于漢碑者
甚多大抵吏民爲故君立碑而列名于碑陰皆下
奉上之辭無上爲下者有之自此碑始建興三年
吳興人徐馥害太守袁琇距是纔八年想晉室喪
亂盜賊遍地吳興吏民必有死于難者吳寧非郡

守卽縣令聚而葬之因作此磚故曰送故吏民也
惟文獻無徵莫可攷耳出烏程

又一范長九寸七分厚一寸文曰大興四年八月
吳寧送故亦出烏程

又長一尺六分厚一寸四分文曰大興四年八月
丁亥造上端×文出烏程案通鑑目錄八月丁亥
朔磚云丁亥造則非朔日矣與目錄不合

又長九寸六分厚一寸四分文曰大興四年八月
廿日出烏程

又長一尺厚一寸三分文曰大興四年九月二日

制作出烏程

晉永昌磚

長九寸三分厚一寸三分文曰永昌元年八月十五日施令遠作功晉元帝第三改元也施氏墓磚也令遠人名遠作遠與羊竇道碑危駿回遠之遠同出烏程

又長九寸五分厚一寸三分文曰永昌元年歲在五九日作凡十字反文上端花文案午與五通說文五五行也陰陽在天地間交午也周禮故書壺涿氏五貫象齒杜五貫爲午左成十七年傳晉夷

羊五晉語作夷羊午義熙五年磚作午年是其証
也出烏程

又長九寸四分厚一寸四分文曰永昌元年八月
廿二日造功凡十一字反文出烏程

又長五寸厚一寸一分文曰永昌元年太歲下斷
上端細蕉葉文

又長一尺厚一寸四分文曰永昌元年九月廿二
日澤伯作反文右側三格又文澤氏墓磚也澤伯
造磚者之姓名案通志氏族略澤氏見姓苑是古
有此姓今罕見耳出烏程

晉太寧磚

長六寸厚一寸四分文曰太寧元年太歲癸未上端兩格又文明帝紀元也出烏程

又長一尺厚一寸二分文曰太歲在癸未大寧元年八月上端兩格錠文出烏程

又長九寸厚一寸四分文曰大寧元年七月丙子朔下端如萬歲二字出烏程

又長一尺七分厚一寸六分左側文曰太寧元年八月十日立右側二錠文上端作公二字下端莫少光三字俱反文出長興莫少光于志乘無攷

又長九寸六分厚一寸二分文曰泰寧三年太歲
在西弘仁作反文右側一奇字案弘姓也風俗通
弘氏衛大夫弘演之後漢有宦者弘恭爲中書令
孫權姊夫弘咨見通志氏族略弘仁弘明蓋兄弟
也出烏程

又長九寸六分厚一寸三分文曰泰寧三年太歲
在西弘明作反文上端兩格又文案說文明左右
視也从二目讀若拘出烏程

又長八寸七分厚一寸一分文曰太寧三年太歲
在乙酉八月廿四日作凡十五字篆文出烏程

又長一尺六分厚一寸四分文曰泰寧三年八月
廿日下端文曰九月世娒一字一格俱反文出烏
程臧伯著碑議者觀改與此字相似

又長八寸厚一寸三分文曰泰寧年八月出烏程

千甓亭磚錄卷之四

存齋雜纂之三

歸安陸心源剛甫纂

晉

咸和磚

長九寸二分厚一寸三分文曰咸和元年七月廿
日播令上端萬歲二字下端却造二字成帝第一
改元也播姓令却名播爲播穀武之後見元和姓
纂出烏程

又長八寸六分厚一寸三分文曰咸和元年太歲
丙戌八月右側文曰莫惠長造莫氏墓磚也出烏

程

又長一尺厚一寸四分文曰咸和元年八月六日
作上端文曰太歲在丙戌下端王尙造三字王氏
墓磚也王尙于志乘無攷出烏程

又長四寸六分厚一寸二分文曰咸和元年七月
太歲下斷上端兩格×文出烏程

又長九寸六分厚一寸三分文曰咸和永和八月
廷作兩字一格合兩記元製爲一磚殊不可解出
烏程

又長八寸九分厚一寸三分文曰咸和元年八月

三日上端有王字出烏程

又長一尺厚一寸二分文曰咸和元年呂祿造作
呂氏墓磚也呂爲姜姓之後封于呂至周失國子
孫氏焉見元和姓纂呂祿于志乘無攷出烏程

又長九寸厚一寸三分文曰咸和元年八月十五
日作凡十字反文出烏程

又長五寸六分厚一寸四分文曰咸和元年□下
斷右側蕉葉文上端兩頭斜格中間花文出烏程
又長八寸八分厚一寸三分文曰咸和四年八月
一日管下端作甃二字皆反文管下二字不可辨

出烏程

又長九寸二分厚一寸四分文曰咸和五年九月
七日作歲在寅凡十二字反文是年歲在庚寅出
烏程

又長九寸五分厚一寸四分文曰咸和六年七月
十五日作出烏程

又長六寸六分厚一寸三分文曰咸和七年八月
下斷出烏程

又長六寸六分厚一寸六分文曰咸和七年八月
廿日日字半泐出烏程

又長四寸四分厚一寸三分文曰咸和九年八月
廿右側文曰一日孤子宣隋制作俱反文宣隋爲
其父母所作磚也案宣氏有二祖一爲宋宣公之
後一爲魯叔孫宣伯之後見風俗通及元和姓纂
宣隋于志乘無攷湖郡至今尙有宣氏蓋其來久
矣出烏程

又長一尺三分厚一寸四分文曰晉咸和八年歲
在癸巳反文出烏程

又長九寸二分厚一寸五分文曰咸和九年八月
甲辰朔十日下午有直格右側×文直格斜格上端

有朱字下一字不可辨案通鑑目錄七月壬申朔
九月辛未朔則甲辰當爲八月二日與磚不合出
烏程

咸康磚

長九寸八分厚一寸四分文曰咸康所作四字每
字間一直格中間小斜格共七格右側中間兩×
文兩頭花格咸帝第二改元也出烏程

又長一尺厚一寸三分上端文曰咸康元年下端
文曰楊國佐出烏程

又長四寸七分厚一寸二分文曰咸康三年下缺

出烏程

又長一尺四分厚一寸四分文曰咸康三年歲在
丁酉八月十日作反文右側如有文不可辨上端
兩格×文下端×文出烏程

又長一尺八分厚一寸二分文曰咸康四年太歲
在戊蕭氏建凡十一字反文出武康蕭氏墓碑也
蕭爲微子之後因邑命氏見元和姓纂

又長八寸八分厚一寸三分文曰咸康四年四字
反文上端如有字不可辨出烏程

又長四寸四分厚一寸三分上端文曰咸康四年

八月出烏程

又長七寸七分厚一寸一分文曰咸康四年九月
十日出烏程

又長五寸厚一寸一分左側有格×文下斷上端
文曰咸康五年俞氏造出歸安俞氏墓磚也

又長一尺三分厚一寸四分文曰咸康六年二月
十日下午右側龍形上端飛鳥形二下端魚形二
出烏程

又長一尺厚一寸四分文曰咸康六年九月三日
俞壁反文俞氏墓磚也出烏程

又長一尺厚一寸二分文曰咸康七年八月十日
錢瑤作錢氏墓磚也出烏程

又長八寸二分厚一寸二分文曰咸康七年四字
右側反文四字泐不可辨出烏程

又長八寸八分厚一寸二分文曰咸康七年八月
制作出烏程

又長九寸厚一寸三分文曰咸康八年八月廿日
造出烏程

又長八寸六分厚一寸一分文曰咸康八年管侯
作管氏墓磚也出烏程

又長七寸七分厚一寸三分文曰咸康八年七月
廿管下泐出烏程

建元磚

長六寸七分厚一寸三分上端文曰建元元年八
月十日反文出烏程

又長一尺八分厚一寸四分文曰建元二年八月
蒼梧廣信令羅十二字反文廣信令羅君墓磚也
晉世禁立碑故于磚著其官位案晉書地理志蒼
梧郡漢置領縣十二其一曰廣信出烏程

又長六寸六分厚一寸三分文曰建元二年八月

廿日下斷右側有吳君立三字上端×文吳字上一字不可辨出烏程

又長四寸四分厚一寸二分文曰建元二年八月廿日下斷出烏程

永和磚

長五寸厚一寸三分左側斜格文下斷上端文曰永和元年二月十日穆帝紀元也出烏程

又長九寸五分厚一寸四分文曰永和二年八月八日作上端文曰大佳人下端文曰二千石俱反文出烏程

又長九寸四分厚一寸二分文曰包咸字士之上
端文曰永和二年凡九字俱反文此與漢時注論
語之包咸同姓名非一人也出烏程

又長七寸一分厚一寸二分上端文曰永和三年
右側文曰萬歲不敗左側直格出烏程

又長五寸厚一寸四分文曰永和三年八月下缺
反文出烏程

又長六寸厚一寸四分文曰永和三年八月月字
半泐右側文曰王惠平者也出烏程王氏墓專也
王惠平無攷

又長六寸八分厚一寸四分文曰永和三年八月
二日建功反文出烏程

又長九寸一分厚一寸二分文曰永和四年清公
所作上端又文直格出烏程通志氏族略有青氏
清尹氏無清氏案左成十七年傳有清沸魑杜注
沸魑嬖人名是晉以前有清氏矣萬姓統譜清賢
遂寧人宋端平進士清畫紹熙間同安知縣是晉
以後有清氏矣

又長九寸六分厚一寸三分文曰永和四年八月
廿二日管弘作出烏程管弘于志乘無攷

又長九寸五分厚一寸三分文曰永和四年八月
一日龍龍氏墓碑也出烏程龍爲舜臣龍之後以
王父字爲氏楚有龍且龍未央見元和姓纂

又長一尺七分厚一寸五分文曰晉永和五年二
月太歲己酉作出長興

又長一尺一分厚一寸四分左側文曰永和五年
太歲在辛酉莫右側文曰作長貴宜子孫上端四
字不可辨末一字似遜字篆書出長興

又長六寸八分厚一寸二分文曰永和七年八月
廿日都都氏墓碑也出烏程

又長九寸七分厚一寸六分左側文曰永和八年
八月廿日作右側文曰大中大夫黃墓上端文曰
黃舍人黃氏墓磚也出烏程晉制有中書舍人屬
中書監太子屬官有中舍人四人職比黃門侍郎
舍人十六人職比散騎中書等侍郎三公屬官亦
有舍人不曰中書不曰中其太子或三公屬官歟
又長九寸一分厚一寸四分文曰永和八年八月
廿日作反文出烏程

又長八寸八分厚一寸二分文曰永和十年甲寅
八月丙子朔廿日上下端兩頭泉文中間寶錠文

案通鑑目錄七月丙子朔九月乙巳朔八月當得
丙子朔與磚合出長興

又長九寸三分厚一寸一分文曰永和十二年八
月十日下二字不可辨出烏程

升平磚

長六寸二分厚一寸三分文曰升平元年太歲在
巳下斷上端泉文穆帝第二改元也是年歲在丁
巳出烏程

又長一尺厚一寸三分文曰升平二年太歲在午
反文是年歲在戊午出烏程

又長五寸厚一寸三分文曰升平元年年字半泐
上端上格斜文下格寶錠文出烏程

又長九寸四分厚一寸三分文曰升平三年七月
廿日辛巳作案通鑑目錄升平三年七月丁丑朔
則辛巳乃七月五日非廿日出烏程

又長八寸七分厚一寸二分文曰升平三年都氏
右側直格都氏墓磚也案通志氏族略都氏吳興
人漢書西南夷傳都稽爲臨蔡侯出烏程

又長一尺厚一寸四分文曰升平三年八月十三
日范詔作出烏程范詔無攷

又長一尺厚一寸三分文曰升平四年八月十日
作右側直格出烏程

又長九寸二分厚一寸二分文曰升平四年九月
十日下一字不可辨下端楊季覽三字俱反文楊
氏墓碣也出烏程

又長四寸四分厚一寸二分文曰升平四年九下
斷升字半泐右側有楊仲璧三字出烏程

又長四寸五分厚一寸二分文曰升平四年下斷
出烏程

與寧磚

長一尺一分厚一寸六分左側文曰興寧元年
八月右側上下作錠文中間莫故鄣立四字俱反
文上端莫元二字哀帝第二紀元也出長興

又長一尺三分厚一寸四分文曰興寧二年八月
十日作反文右側一莫字出長興嘉泰吳興志晉
建威將軍日南太守莫封墓亦在縣境或卽封之
墓磚歟莫氏墓磚出于長興者此外尙有漢元和
三年莫氏永寧元年莫奉永和五年莫作泰和四
年莫墓寧康三年莫氏興寧二年莫元各磚漢晉
之際爲吳興大族可知今郡中莫氏皆祖長興信

不誣矣

又長九寸三分厚一寸四分文曰興寧二年癸亥
歲上端遇主二字案興寧元年癸亥二年甲子匠
人誤書也遇姓主名也風俗通漢有東安太守遇
中姓苑東莞有遇氏見元和姓纂以磚証之則晉
時吳興亦有遇氏矣出烏程

又長一尺一分厚一寸三分左側文曰興寧元年
八月右側文曰莫故鄣八月上端文曰莫元莫元
所造墓磚也出長興右側五字文義不相屬蓋莫
者莫氏也故鄣者縣名也八月者造磚之月也漢

晉以前莫氏見于史者史記游俠傳有富民莫氏
長興之莫想卽富民莫氏之後故不文如此歟
又長四寸厚一寸二分文曰興寧三年下斷出長
興

太和磚

長九寸四分厚一寸三分文曰太和元年八月廿
日錢率上端×文晉海西公紀元也出烏程

又長四寸四分厚一寸二分上端文曰泰和元年
作五字反文出烏程

又長九寸三分厚一寸二分文曰太和元年八月

十日反文下二字不可辨出烏程

又長九寸厚一寸二分文曰泰和元年八月十日所作壁反文出烏程

又長八寸八分厚一寸二分文曰泰和三年八月下二字不可辨反文上下端×文出烏程

又長九寸厚一寸一分文曰泰和四年七月廿九日起公反文右側文曰南無莫墓墓字上三字不可辨上下端×文出長興案公與功通衡方碑剋亮天功樊安碑以公德加位特進詩六月以奏虞公皆借公爲功也

又長九寸一分厚一寸三分文曰泰和五年八月
一日出烏程

又長八寸八分厚一寸四分文曰泰和六年歲辛
未右側似郡長平縣殷氏六字出長興案平縣屬
河南郡見司馬彪郡國志在今河南府孟津縣境
咸安磚

長三寸七分厚一寸二分文曰咸安二年太下斷
簡文帝紀元也出烏程

寧康磚

長一尺一分厚一寸四分文曰寧康元年八月莫

氏上端×文孝武帝第一紀元也出長興

又長八寸八分厚一寸三分文曰寧康三年七月
廿日出長興

又長九寸三分厚一寸三分文曰寧康三年八月
一日施狼作下端施狼作俱反文出烏程施狼于
志乘無攷隸書琅狼不分漢章和元年洗曰堂狼
造漢安二年洗曰朱提堂狼造堂狼者卽漢犍爲
之堂琅縣也常璩南中志常琅山卽其地宋書州
郡志作狼

又長一尺厚一寸四分文曰寧康三年歲在乙亥

八月吳作右側文曰太元十一年太歲丙戌太元
孝武帝第二改元也太元十一年上距寧康三年
凡十一年匠人誤合二範爲一耳出烏程

太元磚

長六寸一分厚一寸五分文曰太元元年八月世
日八字下斷反文出烏程

又長一尺三分厚一寸三分文曰太元年八月四
日作之太元年三字一格八月一格四字一格日
作之一格出烏程

又長九寸三分厚一寸三分文曰太元元年歲在

丙子故鄣王案晉書地理志吳興郡統縣十一其
七曰故鄣今安吉縣境王氏墓磚也出烏程

又長九寸一分厚一寸二分文曰太元元年八月廿
日下二字不可辨下端文曰太元元年八月反文
出烏程

又長一尺八分厚一寸五分文曰泰元四年八月
廿日市包喜作出烏程郭西灣市者居于市也包
喜造磚者之姓名

又長一尺厚一寸三分文曰太元七年九月凡六
字反文出烏程

又長九寸二分厚一寸三分右側文曰萬歲不敗
上端文曰太元七年出烏程

又長五寸五分厚一寸四分文曰太元八年茂在
癸下斷出烏程

又長九寸三分厚一寸二分文曰晉泰元九年七
月壬午朔十九日庚子立作上端篆文不可辨下
端花文七月壬午朔與通鑑目錄合出烏程

又長九寸四分厚一寸四分文曰太元十二年八
月四日作壁下端孤子錢羣四字錢羣于志乘無
攷曰孤子爲其父所作墓碑也出烏程

又長九寸一分厚一寸三分文曰太元十二年八月四日作辟壁字半泐右側文曰太元十二年八月四日作反文出烏程

又長八寸八分厚一寸四分文曰晉泰元十四年仲秋之月下損出烏程

又長八寸一分厚一寸三分文曰太元十八年馬旦下缺旦字下似弟字出烏程

又長五寸厚一寸四分文曰太元十八年歲癸巳凡八字反文下斷

又長四寸八分厚一寸四分上端文曰泰元廿年

凡四字反文出烏程

又長四寸五分厚一寸三分上端文曰太元廿二年反文出烏程

隆安磚

長四寸二分厚一寸上端文曰晉隆安元年下端一萬字安帝紀元也出烏程

又長八寸四分厚一寸二分文曰晉隆安二年戊戌仲秋月易陽建上端三格×文易氏墓磚也易氏爲齊大夫易牙之後魏有雍州刺史易愷晉有春陵人易雄易陽于志乘無攷出烏程

義熙磚

長九寸四分厚一寸文曰晉義熙十二年八月十八日馬司徒作反文上端其年太守馬下四字不可辨晉義熙三字一格午年八月十五字一格八月馬司徒作六字一格晉安帝第三改元也午與五通永昌磚歲在午亦作五馬司徒馮氏登府磚錄釋作吳蓋由所見之磚馬字已模糊耳案晉書職官志太尉司徒司空並古官也自漢歷魏置爲三公及晉受命迄江左其官相承不替晉書馬姓有傳者惟馬隆一人並未官司徒此馬司徒未知何

人不可攷矣出鳥程

又一範尺寸同前左側文亦同上端文曰其年歲
在巳八月十八日作案義熙十三年歲在丁巳
又長一尺七分厚一寸五分文曰義熙六年莫上
計壁範莫氏墓磚也出長興莫上計于志乘無攷
範者范之借字說文範輶也从車范省聲範法也
从竹汜聲爾雅釋詁範法也通俗文規模曰範易
繫辭傳範圍天地之化孟子吾爲之範我馳驅漢
書嚴安傳非所以範民也皆借範爲范也壁範者
猶建光磚作是法太康磚章士康法也

又長八寸九分厚一寸三分文曰義熙七年八月
廿六日作反文出烏程

又長五寸二分厚一寸二分文曰晉義熙十一年
下斷出烏程

元熙磚

長七寸九分厚一寸二分文曰元熙元年太歲己
未韓凡九字反文晉恭帝紀元也韓氏墓磚也出
烏程

又長六寸厚一寸七分上端文曰元熙元年出烏
程

宋

永初磚

長一尺厚一寸一分上端文曰永初元年作五字
反文宋武帝卽位紀元也出長興

元嘉磚

長九寸三分厚一寸三分文曰元嘉二年九月起
公月字下二字不可辨上下端銳文宋文帝
紀元也出長興公與功通說見前泰和磚下

又長八寸九分厚一寸三分上端文曰宋元嘉六
年下端文曰太歲己巳反文出烏程

又長八寸二分厚一寸三分文曰元嘉十年太歲
丁酉十年癸酉磚作丁酉匠人誤書也出烏程
又長九寸厚一寸四分文曰元嘉十五年右側八
月兩字皆反文出烏程

又長一尺一分厚一寸三分文曰元嘉十五年作
專反文上下端皆古泉文出烏程專者墀之正字
又長九寸二分厚一寸二分文曰元嘉十六年八
月廿四日石備金下一字不可辨反文石氏墓磚
滿金其名出烏程王寄怡所贈

又長九寸四分厚一寸二分文曰吳賊曹之丕大

宋元嘉十六下端文曰年歲在己卯案晉書地理志吳郡漢置統縣十一其一曰吳縣職官志郡皆置太守諸王國以內史掌太守之任置主簿主記室門下賊曹議生門下史記室史錄事史書佐循行幹小吏五官掾功曹史功曹書佐循行小史五官掾等員縣亦有賊曹掾史此賊曹署中築池所造磚也曰吳賊曹非吳郡之門下賊曹卽吳縣之賊曹掾史矣出烏程

又長六寸一分厚一寸二分文曰宋元嘉廿三年下缺上端文曰沈麻僱冢案沈姓也麻者面麻也

僱雇工也楊文公談苑馮暉爲靈武節度使有威名號麻胡以其面有黧子也間中古今錄應履平題詩部門有爲官不用好文章只要麻鬚黑胖長之句是面有黧子者爲麻其來久矣僱者雇之俗字後漢光武紀注令甲女子犯徒遣婦家每月出錢雇人於山伐木名曰雇山桓帝紀注雇猶酬也張讓傳注雇謂酬其價也沈麻僱蓋僱工而面有麻者或因以麻僱爲名耳出烏程

孝建磚

長八寸二分厚一寸二分文曰孝建三年八月造

作上端中間×文兩頭皿文下端兩格×文宋孝
武帝第一紀元也出烏程

大明磚

長一尺厚一寸三分左側中間文曰宋大明五年
下端一虞字宋孝武帝第二紀元也出湖南

秦始磚

長八寸厚一寸二分文曰秦始三年太歲丁未八
月十日未八月十日皆雙行右側方郢文上端文
曰沈三師冢宋明帝第一紀元也沈三師于志乘
無攷出烏程

又長四寸四分厚一寸二分文曰宋泰始四年下
斷出烏程

昇明磚

長八寸九分厚一寸三分文曰昇明元年四字反
文下糊不可辨上端上格寶鏡文花文下格海棠
花文宋順帝紀元也出烏程

齊

建元磚

長八寸六分厚一寸二分文曰建元三年八月十
日上端如有文不可辨晉建元無三年漢以建元

紀者雖有六年此磚字體斷非漢物惟齊高帝于
己未受禪改元建元至癸亥改元永明以建元紀
者四年當屬齊出烏程

永明磚

長四寸六分厚一寸三分文曰永明四年吳凡五
字反文下缺齊武帝第一紀元也出烏程

梁

天監磚

長八寸五分厚一寸九分上端兩格×文上×格
內文曰天監四年下×格內四字惟最下一格王

字可辨餘俱不可辨出烏程

陳

太建磚

長一尺三分厚一寸四分文曰大建元年八月右側篆文不可辨上端一者字反文陳宣帝紀元也出烏程案元和姓纂堵音者者其堵之省歟

唐

聚府君墓誌磚

唐故聚府君墓誌銘并序諸葛暉撰府君諱慶字文悅馮翊人也大和六年青龍在壬子九月十七

日歿蘇州嘉興縣進思鄉私舍春秋五十祖曰曾
祖瑄父達家謀具述不書也公卽達長子也志操
孤峙孝友無先雖不夢奠之徵忽生鞋履之別娶
陸氏有子二人長葑次允孚女一人偕血泣柩左
狀疾問於筮兆當年十月廿六日封當縣南甘露
鄉崇福里祖墳禮也恐煙峯及巨溟變改請文勒
石詞曰悲鴻驚月啼霜天寒雲長夜斗牛懸嗣子
哀號望不返令問遺風光萬年佳城虎踞龍左盤
刊文勒銘金石堅

右聚府君墓誌磚得之吳門市長一尺濶一尺厚

一寸凡十二行共一百九十七字泐者一字詩聚
子內史古今人表作掇子慶蓋其苗裔也元和姓
纂晉有聚儔今江南襄陽並有此姓想蘇州聚氏
唐世必盛故姓纂云爾嘉興縣本漢由拳縣地屬
會稽郡後屬吳郡吳黃龍初改名禾興赤烏中始
名嘉興隋省入吳縣唐武德初復置屬蘇州故曰
蘇州嘉興縣也大和唐文宗第一紀元與魏明晉
海西後魏孝文之太和不同磚文大不訛太與大
和三年李晟碑嵩高靈勝詩刻處州孔子廟碑大
和四年東郡懷古詩刻吳達墓誌湘中記行詩刻

大和六年甄叔大師塔大和七年阿育王寺常住
田碑寂照和尚碑大和八年林放祠碑大和九年
落星石記修龍宮碑合足正俗刻唐書通鑑之訛
此磚爲嘉興張叔未孝廉舊藏見清儀閣題跋不
知何時流落吳中

大中磚

長五寸厚一寸二分上端文曰大中二年七月造
出烏程宣宗紀元也

宋

咸平磚

長三寸六分厚一寸文曰咸平五年四字反文下
斷出烏程真宗紀元也

千甓亭磚錄卷之五

存齋雜錄卷之五

歸安陸心源剛甫

無年月磚

大吉二千石磚

長一尺一分厚一寸三分文曰大吉二千石至令
丞出烏程案大吉者誦祝之辭易家人六二富家
大吉荀子議兵篇始終如一是一是之謂大吉公羊傳
娶者大吉也非常吉也是其義二千石漢晉受俸
之制漢制三公之次爲九卿秩皆中二千石太常
光祿衛尉太僕廷尉宗正大鴻臚大司農少府是

也其次爲二千石將作大匠大長秋光祿大夫太子少傅諸州牧諸郡尹太守是也又其次爲比二千石侍中中郎將諸校尉是也又其次爲千石九卿丞尙書令大縣令是也又其次爲六百石九卿所屬諸令是也令各有丞或四百石二百石三百石不等令丞之俸在二千石下故曰二千石至令丞也

大吉昌磚

長六寸七分厚一寸四分文曰大吉昌宜四字下
斷出烏程

吳大吉磚

長一尺厚一寸二分文曰吳大吉宜子孫下端平安多三字俱反文吳氏墓磚也出烏程

大吉磚

長九寸六分厚一寸二分文曰大吉七月作出烏程

又長五寸七分厚一寸五分文曰大吉宜下斷

長生萬歲磚

長九寸七分厚一寸四分文曰長生萬歲上端文曰富貴皆篆文下端文曰烏程朱梓作案吳有朱

桓吳郡人朱梓或卽朱桓兄弟行歟此古人生礦
磚故曰長生

魏氏磚

長五寸五分厚一寸二分文曰元年魏氏造五字
五格上斷元字已缺一畫魏氏墓磚也魏爲畢萬
之後見元和姓纂出烏程

青龍白虎磚

長六寸七分厚一寸三分文曰大元年月下缺上
端青龍白虎四字管輅別傳曰蒼龍無足白虎銜
尸葬書曰葬以左爲青龍右爲白虎出烏程

周所作磚

長四寸六分厚一寸三分左側上缺中間古泉文
下三年二字下端文曰八月周所作反文周氏墓
磚也周爲文王之後見元和姓纂出烏程

元年磚

長九寸八分厚一寸四分文曰元年八月己丑朔
十日上缺案通鑑目錄永康元年八月己丑朔當
爲永康元年磚之下截出烏程

太歲在辛酉磚

長五寸厚一寸三分左側文曰丁巳朔十日上缺

下端文曰太歲在辛酉出烏程

太歲在丙子磚

長五寸厚一寸一分文曰年太歲在丙子上斷出
烏程

太歲在甲申磚

長六寸厚一寸三分文曰太歲在甲申作反文出
烏程

申酉磚

長九寸六分厚一寸二分文曰申酉太歲己丑管
衛人下端兩格×文管氏墓磚也申酉者堪輿

八會之說也管衛人志乘無攷出烏程

太歲在丙戌磚

長一尺厚一寸五分文曰太歲在丙戌六月作下端萬歲二字凡十格十字篆文案漢本初元年歲丙戌是磚與本初元年磚同出烏程之避村篆有隸意當屬漢

惟太歲磚

長九寸三分厚一寸四分文曰惟太歲在丙子立宜時上世安下端似有文不可辨出烏程宜時上世安皆頌禱之辭

元吉磚

長六寸厚一寸四分左側上文元吉二字中間直格下斷出烏程

出公侯磚

長九寸八分厚一寸三分文曰元吉出公侯鍾子孫元吉者易所謂元吉也出公侯鍾子孫者皆頌禱之辭也言所葬之地可出公侯而鍾子孫也白帖有相羊祐祖墓當有受命者祐掘斷地勢以壞其形相者曰當出折臂三公此出公侯之謂也遺體受蔭之說見於葬書蓋其來久矣出烏程

壽萬年磚

長九寸八分厚一寸四分文曰壽萬年長子孫費
費有二祖一爲費無極一爲季友吳興之費爲季
友之後見費鳳碑漢有梁相汎堂邑令鳳九江太
守均皆見隸釋汎鳳之碑本在吳興城南之三碑
鄉磚出是鄉或卽汎與鳳之墓磚歟

富貴長生磚

長九寸四分厚一寸三分文曰富貴長生下端二
字不可辨俱篆書陰文此生礦磚也出烏程

富貴陽隧磚

長一尺一分厚一寸三分左側有格花文右側萬
歲不敗四字上端文曰富貴陽隧四字反文下端
兩頭直格中兩方格與鳳皇三年施氏磚同出一
穴案隧隧道也古者惟天子有隧後世臣下皆僭
爲之戴延之西征記載彭城南有亞父冢冢東北
有隧道見太平御覽冢墓門可爲後世人臣用隧
之証此亦鳳皇冢中隧道磚也周禮冢人以度爲
邱隧注羨道也左僖廿五年請隧勿許注闕地通
路曰隧說文無隧字亦無與隧同義之字鳳皇時
去叔重不遠磚文已有隧字疑許書本有隧字而

傳抄遺漏耳周語其亾也回祿信于聆隧說文耳
部聆字解引作聆遂是其証陽隧不知何義長白
宗小梧同知藏有左陽隧磚或者男女合葬隧道
亦有二左爲陽而右爲陰歟出烏程

富貴萬年磚

長四寸三分厚一寸三分下端文曰富貴萬年左
側上缺文曰在辛丑潘元作俱反文潘氏墓磚也
出烏程

旣壽考磚

長一尺一寸四分厚一寸六分文曰旣壽考宜孫

子下端文曰安後世出烏程

又長一尺厚一寸二分文曰既壽考宜孫子上端
文曰出富貴此亦生礦磚也出烏程

又長一尺五分厚一寸三分文曰既壽考宜孫子
上端有萬歲二字此亦生礦磚也出烏程

又長一尺一寸厚一寸六分文曰既壽考宜子孫
令子磚

長一尺一寸四分厚一寸六分文曰令子賢者在
父母率道以槩槩與漸通釋名槩漸也言其漸漸
長也說文槩牘樸也從木斬聲漸漸水出丹陽黟

南蠻中東入海从水斬聲趨進也從走斬聲案趨
正字也槩與漸皆借字也出烏程

赤窮碑

長一尺六分厚一寸三分文曰無終始曾積追矢
富在已少封翫上端文曰赤窮利無奉俱反文積
下一字似過字矢與失通矢下一字似肯字然漢
石經莫我肯顧之肯作冑華山亭碑高神冑裏之
肯作冑無作富者嚴上一字似到字窮上一字似
赤字然赤從大從火隸變作𡵓無作𡵓者無字下
一字似春然春隸或作春無作春者攷隸釋范皮

墓磚以數磚合刻銘文此二磚同出一處或當時亦合數磚刻一文今只得此磚耳出烏程

平安磚

長九寸一分厚一寸二分文曰平安樂二千石凡六字反文下端兩格×文出烏程

子孫高遷磚

長一尺厚一寸四分文曰子孫高遷壽萬年下一字似費字高遷者誦禱之辭也出烏程

百世磚

長一尺三分厚一寸文曰百世罕也洎于家洎于

氏墓磚也出烏程馮氏磚錄有涪于康磚出海鹽
涪于氏周涪于國之後見風俗通齊有涪于髡秦
有博士涪于越齊有醫者涪于意漢有涪于長涪
于秦晉有涪于智涪于定

兒君磚

長九寸一分厚一寸四分文曰吳興功曹兒君反
文晉書職官志太守屬官有功曹史功曹書佐此
蓋吳興郡功曹也兒姓周鄉子之後去邑爲兒見
元和姓纂漢有兒寬見漢書兒雄見魯峻碑陰兒
銀字伯玉見楊統碑陰出烏程

吳興磚

長八寸七分厚八分左側上吳興二字中間花文
下東遷二字下端有吳興二字出烏程

又長四寸六分厚一寸三分文曰吳興烏三字三
格下缺出烏程

施氏神室磚

長八寸七分厚一寸二分文曰晉故太中大夫施
氏神室施氏墓磚也神室二字創見隸釋有涪陵
太守昌陽龐公神道漢太尉車騎將軍特進昭烈
侯劉公神道征南將軍劉君神道廣漢令王君神

道神室之神與神道之神同義以墓爲室漢已有之張平子冢賦構元室是也出烏程

高纂磚

長一尺四分厚一寸一分左側上文曰諫議大夫高纂凡六字反文下半蕉葉紋出長興高氏墓磚也高纂于志乘無攷元康六年高綜冢磚亦出長興綜與纂皆从系蓋其兄弟行歟

宜三公磚

長六寸九分厚一寸三分文曰宜三公二千石宜字上二字不可辨太師太傅太保周之三公也太

尉司徒司空漢魏之三公也二千石者俸秩之數
後漢書職官志三公大將軍月俸五百五十斛中
二千石月百八十斛二千石百二十斛比二千石
百斛千石八十斛六百石七十斛比六百石五十
斛四百石四十五斛比四百石四十斛三百石四
十斛比三百石三十七斛二百石三十斛比二百
石二十七斛一百石十六斛蓋漢晉官制三公之
下以二千石爲最尊故曰宜三公二千石也

朱君磚

長一尺厚一寸二分文曰此是朱君所作助可朱

氏墓磚也出烏程

范銅磚

長六寸厚一寸二分左側文曰七月世曰孤子范
銅每格兩字下端九年七月四字范氏墓磚也范
銅于志乘無攷曰孤子蓋爲父所作墓磚也出烏
程

屠王兒子磚

長九寸二分厚一寸三分文曰屠王兒子冢長生
上端屠錢壁下端萬年吉三字屠氏墓磚也出烏
程逸村埠王字不見字書案建興四年磚有屠王

亦出逸埠玉當爲玉之變體屠玉與屠錢當兄弟
行此則屠玉子冢之磚屠錢爲之營葬故又曰屠
錢壁也又有屠錢兒子磚可証

屠家磚

長一尺五分厚一寸四分文曰屠家冢壁長子下
端孫萬年三字上端屠錢壁三字出烏程家作冢
與孔謙碣禮述家業之冢相似說文冢古冢字

屠錢磚

長五寸五分厚一寸三分文曰屠錢兒子下斷上
屠氏冢三字屠錢葬其子所作磚也出烏程

屠氏作功磚

長三寸七分厚一寸二分文曰太平冢三字下斷
上端屠氏作功四字太平冢亦吉利語出烏程

屠年壁磚

長三寸八分厚一寸三分文曰屠年壁三字下斷
上端蕉葉紋

李二世磚

長一尺一分厚一寸三分文曰李二世王又丹上
三字反文上端×文李氏墓磚二世者第二世也
出烏程

爵祿臻磚

長一尺六分厚一寸五分文曰富且昌爵祿臻下
端嗣長殷三字右側兩邊雲雷文三字句與古韵
合富且昌漢人習用語漢雙魚洗曰富且昌宜侯
王又曰壽命昌宜侯王與此同意祿作祿案說文
祿福也周禮天府注祿之言穀禮記王制疏祿穀
也祿有穀義故可從禾說文嗣諸侯嗣國也爾雅
釋詁嗣繼也說文長久遠也殷作樂之盛也易豫
卦馬鄭注盛也廣雅釋詁一殷大也三殷眾也是
磚與甘露磚同出烏程之喬木山其爲西漢無疑

又一範尺寸同上文曰富且昌爵祿臻下端無嗣
長殷三字右側兩邊雲雷紋同

富貴長壽磚

長一尺五分厚一寸一分文曰富貴長壽四字中
間泉文字皆小篆漢物也出烏程喬木山

世世不窮磚

長一尺一分厚一寸六分文曰万世世不窮侯右
側上長富貴三字下如鳥狀出長興皆吉利語也
晉書陶侃微時將葬家中忽失牛而不知所在遇
一老父謂曰前岡見一半眠山汗中其地若葬位

極人臣矣指一山曰此亦其次當世世二千石言訖不見

吉富貴磚

長五寸四分厚一寸三分文曰吉富貴昌四字上缺出烏程

富昌樂磚

長七寸厚一寸三分文曰吉詳篆富昌樂上缺詳與祥通出烏程漢黃龍元年羊鐙銘曰大富貴昌宜長樂與此同意

常樂壽磚

長五寸厚一寸四分文曰常樂二字下端古篆壽
字出烏程

常樂磚

長六寸一分左側厚一寸一分右側厚一寸五分
左側文曰常樂下斷右側有醢醢二字出長興

蜀郡磚

長五寸六分厚一寸二分文曰蜀郡二字二格每
字上有乂文右側萬歲二字下缺案晉書地理志
蜀郡秦置統縣六出烏程菁山

延年益壽磚

長五寸厚一寸四分文曰延年益壽四字上端有二龍文此古人生礦碑也隸釋有永初七年四月世造是萬歲延年益壽郭題字又光和五年梁相孔耽神祠碑曰觀金石之消知萬物有終始圖干載之洪慮定吉兆于天府日觀五匠之所營心欣悅于所處其內洞房四通外則長廡夾又注云時君年七十二自所立作此壽藏生礦之始愚謂碑文有長生壽考及延年等字者皆生礦碑也出烏程

長壽碑

長七寸九分厚一寸六分文曰長壽二字上端安樂二字此亦生礦磚也積古鐘鼎款識有長壽鈎與此磚同意出烏程

虞氏磚

長五寸八分厚一寸三分左側文曰十八日虞氏使上缺下端文曰工辭四作虞氏造磚之主薛氏匠人之姓四者行第四也虞有二祖一爲商均之後一爲虞仲之後會稽虞氏出于虞仲磚出烏程其虞仲後人歟

鈕氏磚

長五寸七分厚一寸三分文曰在子鈕氏造五字
上缺案鈕氏爲吳興著姓嘉泰吳興志引王儉姓
系云鈕馥字元芳漢封關內侯沖字元度弘農太
守關內侯食二千戶充後漢梁州牧襲關內侯綽
字君弘荆兗青三州刺史衡字元平九真太守詳
字子明富春侯食千戶淑字仕叔吳尚書令臨水
縣侯食一千五百戶瑒字彥真晉察孝廉後封臨
水侯食千五百戶脩字元嗣中散大夫新昌太守
東遷侯食千戶淑及宋御史中丞鈕洎墓皆在郡
境磚出烏程

吳中師磚

長五寸六分厚一寸三分左側兩格×文上缺下
端文曰吳中師也師與師同成陽靈台碑嗇夫魚
師楊震碑陰山陰師子則建安弩機師稽福封隆
山碑石師劉元存無極山碑石師造郝閣頌時石
師南皆作師與此磚同見洪氏隸釋及阮氏鐘鼎
款識出烏程

陳郡長磚

長三寸五分厚一寸四分左側二篆文不可識上
端文曰陳郡長三字反文陳郡見前晉書縣大者

置令小者置長然郡守亦可稱長者史記高祖紀
懷王見項梁軍破徙都彭城以高祖爲碭郡長隸
釋有廣漢長王君治石路碑晉桓靈寶傳太元末
出補義興太守常登高望震澤而歎曰父爲九州
伯兒爲五湖長是郡守亦可稱長也出烏程

錢君磚

長六寸四分厚一寸二分文曰在戊寅七月廿日
錢君造錢氏墓磚也出烏程

青龍白虎專

長一尺一分厚一寸一分文曰萬歲青龍白虎緒

壁八字下端文曰朱師公上端文曰土匠朱出烏
程緒氏墓專也緒姓見廣韻曰土匠朱曰朱師匠
人之如也

右白虎左青龍專

又長九寸八分厚一寸二分文曰右白虎左青龍
中間虎龍形上端萬歲累世四字出烏程

尙書令吏磚

長六寸五分厚一寸三分文曰尙書令吏喬君路
壁右側下端俱書窗文喬字下一字君字下一字
不可辨喬氏墓磚也案晉書職官志尙書令秩千

石賈充爲尙書令以目疾表置省事吏四人尙書令吏始此

錢公壽磚

長一尺一寸厚一寸四分文曰沮里錢公壽萬年沮里者里名也曰壽萬年蓋亦生礪磚也出烏程

大吉喪磚

長九寸五分厚一寸二分文曰大吉喪宜子孫壽考出烏程案說文喪亾也白虎通人死謂之喪何言其喪亾不可復得見也不直言死稱喪者何爲

孝子之心不忍言也左文十五年傳喪親之終也
喪不可言大吉蓋葬之借字古人同音之字皆可
通借詩谷風以亾喪叶韵文子精誠方忘喪叶韵
莊子山木以藏將行方葬叶韵是古音同部也或
曰喪氏墓磚也元和姓纂通志畧皆有喪姓

諸熙伯磚

長一尺一寸厚一寸四分文曰揚州吳興故章諸
熙伯年卅十一字卅字下一字不可辨案晉書地
理志揚州禹貢淮海之地統郡十八其七曰吳興
吳興郡吳置統縣十一其七曰故鄣章爲鄣之省

文諸姓越大夫諸稽郢之後熙伯名也廣韵引說
文卅二廿并也讀若翌論語石經年卅而見惡焉
古文孝經鄭注卅强而仕熙伯蓋揚州吳興郡故
章縣人卒時年四十餘卅字下一字當爲數目字
今不可辨出烏程

至九千萬磚

長九寸五分厚一寸三分文曰氏易至九千萬大
吉上端窗文中有三橫格出烏程案氏易者墓之
有界也易大壯喪羊于易旅喪牛于易是其義至
九千萬亦頌禱之辭隸釋范皮闕有日利千萬曾

羊九千萬則又多于千萬矣

錢大夫磚

長三寸一分厚一寸二分下端文曰錢大夫作八月左側文不可辨上斷出烏程錢氏墓磚也

錢東磚

長四寸五分厚一寸四分文曰錢東下斷東字下一字不可辨出烏程錢東無攷

黃山磚

長五寸四分厚一寸四分文曰月世日黃山作黃字上一字不可辨上端文曰是美泄泄字下一字

不可辨出烏程

太歲在甲碑

長一尺五分厚一寸二分文曰太歲在甲九月十日造作上端六十年三字出烏程

潘幹專

長五寸一分厚一寸四分文曰孝子潘幹上缺出烏程潘氏墓專也幹作幹

萬歲永封

長一尺四分厚一寸五分文曰萬歲永封永作而
出烏程

俞有章碑

長一尺厚一寸三分上端文曰俞有章三字反文
左側花紋出烏程俞氏墓磚也俞有章于志乘無
攷

關內侯碑

長九寸五分厚一寸六分上端潤三寸四分下端
潤四寸六分文曰關內侯隋臨安令凡七字出烏
程隋臨安令墓專也 案漢書百官公卿表爵十
九級曰關內侯師古註言有侯號而居京畿無國
邑續漢書百官志關內侯承秦賜爵十九等爲關

內侯無土寄食在所縣民租多少各有戶數爲限
隋書百官志陳制關中關外侯第九品視六百石
隋無關內關外侯之爵其人當仕陳爵關內侯降
隋爲臨安令故曰隋臨安令也

施伯禮磚

長五寸厚一寸上端文曰施伯禮反文下斷出烏
程施氏墓磚也伯禮于志乘無攷

潘瑾磚

長九寸厚一寸二分文曰吳興東遷學潘瑾造潘
氏墓磚也晉太康三年分烏程東鄉爲東遷縣潘

瑾當是晉世東遷學官與元和姓纂之漢潘瑾非一人也出烏程

萬歲富貴磚

長一尺厚一寸三分文曰萬歲不敗富貴下端文曰萬歲不敗出烏程

千巖亭磚錄卷之六

存齋雜纂之三

歸安陸心源剛甫纂

無年月磚

侍中磚

長一尺厚一寸二分文曰故侍中儲氏稚子神凡
八字反文出烏程儲氏不知所自始漢有儲大伯
富人儲姥見元和姓纂稚子字也漢王渙字稚子
有洛陽令王稚子墓闕侍中官名周禮太僕千寶
注若漢侍中司馬彪郡國志侍中比二千石無員
掌侍左右贊導眾事顧問應對法駕出則多識者

三
卷之六
一
驂乘餘皆騎在乘輿後

五公磚

長一尺厚一寸三分文曰八月一日五公所作上
端有萬歲二字五氏墓磚也元和姓纂五本伍氏
避仇去人氏焉蜀五梁晉始興太守五允五公其
子胥苗裔歟出烏程

將軍磚

長九寸厚一寸文曰太歲在壬辰君號將軍七十
將字上一字十字下一字泐上端斜方格字如天
發神識碑當屬吳吳鳳皇三年歲在壬辰磚與鳳

皇二年吳興磚同出烏程之菁山或同時所造歟
漢制有大將軍驃騎將軍車騎將軍衛將軍左右
前後將軍及雜號將軍皆不常置事過則罷磚但
稱將軍而不著其名未知爲何將軍也

范四磚

長三寸三分厚一寸四分上端文曰范甲造作左
側不敗二字上斷范氏墓磚也出烏程

福祚永昌磚

長九寸三分厚一寸四分文曰歲吉月祥福祚永
昌吉利語也出烏程

宜侯王磚

長九寸厚一寸四分左側四格×紋下端宜侯王
三字積古鐘鼎款識大吉昌洗宜甕王富貴昌洗
宜侯王元嘉刀宜侯王壽命昌洗宜侯王皆不從
人出烏程

吳宜侯王磚

長一尺厚一寸三分文曰吳宜侯王吳字下一字
不可辨上端二篆文不可識侯作角出烏程

楊普磚

長五寸三分厚一寸四分下端文曰楊普壁三字

左側三花格上缺右側如有文難辨出烏程

出富貴磚

長六寸厚一寸六分上端文曰出富貴三字三格
左側萬歲二字已磨滅過半字似開通褒斜道碑
當屬漢出烏程

施甕磚

長四寸七分厚一寸四分文曰歲辛丑三字上缺
下端施甕萬歲出烏程

潘遊磚

長四寸六分厚一寸三分左側三×格上端潘遊

二字反文出烏程

潘立磚

長四寸三分厚一寸一分上端文曰君姓潘諱立
五字出烏程

潘導磚

長九寸四分厚一寸三分左側兩頭如篆文不可
辨中間兩銳文上端番導作反文出烏程

人形磚

長五寸厚一寸三分上端中人形左有文不可辨
右似建□墓葬送五字出烏程菁山

計僕氏磚

長五寸三分厚一寸五分左側花紋上端計僕氏
三字案計僕之姓不見載籍元和姓纂國語計然
爲越大夫范蠡師本夔邱濮上人意者計然之後
合計僕爲氏歟出烏程

君宜官磚

長一尺厚一寸六分下端文曰君宜官左側萬歲
不敗四字凡七字七格出安吉易林安上宜官一
日九遷積古歟識漢鈎文曰長宜君官士至三公
與此同字近天發神識碑當屬吳案郡志安吉城

西八里有吳揚州別駕偏將軍朱紀墓或卽紀之墓磚也

沈參軍磚

長三寸八分厚一寸二分文曰沈參軍冢壁案參軍之名始于後漢之季與參謀議而非官名三國志孫堅傳司空張溫西討表請堅與參軍事陶謙傳張溫奉命征討請謙參軍事是也其後遂爲三公屬官無定員掌舉直錯枉者爲錄事參軍見北堂書鈔引干寶司徒儀掌文案者爲記室參軍魏志阮瑀陳琳並管記室參軍是也至晉置爲官員

職官志三公屬官有參軍三人持節爲都督者增置參軍爲六人將軍受命出軍置參軍是也其後有中兵騎兵咨議功駁行參軍諸名王述爲王導中兵參軍王徽之爲桓溫騎兵參軍孫綽爲功駁參軍顏延之爲始興王咨議參軍河南王顥置行參軍是也至齊而參軍分爲十八曹南齊書百官志凡公督府諮議參軍二人其曹有錄事記室戶曹倉曹中直兵外兵騎兵長流賊曹城局法曹田曹水曹鎧曹集曹右戶十八曹局曹以上爲置正參軍法曹以下爲行參軍是也隋廢郡爲州以參

軍爲州官改曹曰司州置司倉司戶司法司土司
兵五參軍而參軍之官同于簿尉矣唐宋仍之至
元始廢吳興沈氏以參軍終而名著史冊者晉有
沈警沈約宋書自序沈警字世聞惇篤有行業學
通左氏春秋家產累千金後將軍謝安命爲參軍
甚相敬重警內足于財爲東南豪士無仕進意謝
病歸安固留不止乃謂曰沈參軍卿有獨善之志
不亦高乎還家以素業自娛前將軍王恭鎮京口
與警舊好復引爲參軍尋復謝去後遇害或卽警
之墓磚斂出烏程

平安富貴磚

長三寸七分厚一寸二分左側萬歲二字下斷上端文曰葵平安富貴出烏程

左青右白虎磚

長一尺一分厚一寸二分文曰左青右白虎上端有朱字下端永萬世三字朱氏墓磚也出烏程

黃畏長磚

長八寸九分厚一寸二分文曰萬歲不敗上端文曰黃畏長三字篆文黃氏墓磚也黃畏長于志乘無攷出烏程

包書磚

長一尺一寸厚一寸五分文曰月廿三起作月字
上一字作字下一字不可辨上端文曰包書反文
包氏墓磚也出烏程

功曹磚

長四寸九分厚一寸三分上端文啟化功曹史啟
化上二字不可辨漢書職官志司隸校尉有從事
功曹史郡國有功曹史掌選置功勞晉書職官志
有特進所屬之功曹史有光祿大夫所屬之功曹
史有太守所屬之功曹史有縣令所屬之功曹史

啟化二字無攷其爲郡縣掌教化之功曹史歟出
烏程

福慶磚

長九寸七分厚一寸三分文曰萬歲康福慶長右
端萬歲不敗四字出烏程

永祕傳磚

長一尺六分厚左側一寸右側一寸四分下端文
曰永祕傳三字左側文曰萬歲不敗篆文與甘露
二年磚同出一坑當屬漢

萬世不敗磚

長八寸九分厚一寸三分文曰萬世不敗右側有格×文上端八月四日立功下端楊殷壁俱反文楊殷于志乘無攷出烏程

鄭遵磚

長四寸二分厚一寸三分文曰鄭遵作三字鄭氏墓磚也鄭巫公爲楚所滅子孫流于陳宋以國爲氏見元和姓纂鄭遵于志乘無攷出烏程

子是磚

長四寸六分厚一寸三分下端文曰君子是墓右側莫作二字上缺子是葬者之字當曰某君子是

墓今缺其姓耳出長興

安樂磚

長五寸八分厚二寸一分文曰安樂二篆文出烏程

大富安磚

長一尺六分厚一寸三分文曰大富安下
端出武康漢羊鐙銘曰大富貴昌宜長樂與此
同意

七月磚

長一尺一分厚一寸四分文曰七月十日作上端

寶錠文出烏程

長壽貴磚

長一尺三分厚一寸五分文曰長壽貴上端文曰
安樂凡五字皆九疊篆陰文出長興此亦生礦磚
也

萬山不敗磚

長六寸一分厚一寸一分文曰萬山不敗富貴反
文以山爲歲匠人之省文也

吳生作磚

長九寸五分厚一寸三分文曰萬山不敗富貴吉

上端吳生作反文出烏程

庚寅朔磚

長四寸六分厚一寸三分文曰庚寅朔三日壬子
作反文出烏程

陳章磚

長九寸厚一寸三分文曰五年陳章下端俞氏二
字俱反文章字下一字泐出烏程

不敗大吉磚

長四寸五分厚一寸四分文曰不敗大吉四字上
缺出烏程

五銖泉磚

長一尺六分厚一寸六分文曰萬歲不敗背有五銖泉文四餘蕉葉紋出烏程

施冢磚

長一尺二寸厚一寸六分面有文曰宣成廣德施冢出長興案晉書地理志宣城郡太康二年置統縣十一其二曰宣城

丙子磚

長六寸九分厚一寸五分文曰丙子八月六日孫君造作下端古泉文出烏程孫氏墓磚也

庚戌磚

長六寸厚一寸二分文曰歲在庚戌上缺上端文曰萬歲出長興

八月造磚

長四寸六分厚一寸四分文曰八月造廣上缺上端壁吳興三字案廣乃壙之別體說文壙塹穴也周禮方相氏註壙穿地中也集韻壙苦謗切音壙山名不以爲壙之別體而以爲山名誤矣

宜官磚

長四寸二分厚一寸二分文曰宜官吉王四字出

烏程

俞氏磚

長四寸六分厚一寸四分文曰俞氏作下端萬歲
不敗四字反文出烏程

謝氏磚

長八寸五分厚一寸八分文曰年癸丑謝氏作上
缺上端文曰姓侯居富下一字不可辨出長興周
宣王之舅封于謝後失爵以國爲氏見元和姓纂
謝安墓爲人所發其孫夷吾爲長城令遷葬縣之
三鷄岡見嘉泰吳興志

七月不敗磚

長七寸二分厚一寸五分文曰不敗七月作不上
歲字已半泐出烏程

三行磚

長四寸三分厚一寸三分可辨者七月廿六日五
字出烏程

雙行磚

長四寸六分厚一寸三分可辨者八月十五日五
又一行造作墓三字反文出烏程

陳莫磚

長五寸四分厚一寸三分上端文曰陳莫字左側
兩格細斜文下缺字字下二字不可辨出長興
包氏磚

長一尺厚一寸一分文曰包氏二字二格字上下
有小直格出烏程

二千石磚

長九寸三分厚一寸六分文曰舍二千石至令隸
續有建初三年萬歲舍大利善磚建初七年萬歲
署舍命史後子孫貴昌磚洪氏疑爲卜築所用與

此磚意義相似或亦築室所用歟出烏程

吳氏磚

長九寸五分厚一寸四分左側上四五字古篆不可識中間吳氏作三字出烏程

泉範磚

長一尺六分厚一寸六分左側有五十二字泉文六格上端五十二字泉文三格出烏程

尹作磚

長九寸七分厚一寸三分左側花文四格下端尹作二字出歸安尹爲少昊之後封于尹城因氏焉

風俗通師尹三公官也以官爲氏見元和姓纂

聶氏磚

長九寸八分厚一寸二分左側文曰萬歲不敗上
端文曰万疏聶紉四字反文聶紉人名万疏兩字
未詳出烏程

太歲丙申磚

長五寸五分厚一寸四分文曰太歲丙申七月十
日立上缺出烏程

董助磚

長四寸六分厚一寸二分文曰月廿日董助作上

月字半勑董爲黃帝之後舜賜姓董氏見元和姓纂出鳥程

大吉祥磚

長工尺一尺二寸五分厚二寸文曰大吉祥宜侯王二千石令長上端文曰大吉中間銳文出長興又一品長同厚一寸五分羊祥之省文左傳昭十一年盟于稷祥公羊作侵羊古人羊祥通用漢大吉祥洗大吉羊宜用洗吉祥洗元嘉刀銘宜侯王大吉羊皆作羊漢書職官志縣大者置令小者置長隸釋永初磚大吉陽宜侯王

虎頭磚

長五寸五分濶五寸面上有大泉五十文外蕉葉紋下並立虎頭形二案漢書食貨志王莽居攝變漢制以周錢有子母相權于是更造大錢逕寸二分重十二銖文曰大泉五十磚面有大泉五十文其亦王莽時磚歟出烏程

飛英塔磚

長五寸七分厚二寸二分文曰飛英塔磚橫並四字出郡城

萬歲不敗磚

長一尺一寸六分厚一寸九分文曰萬歲不敗
作萬歲作萬不作累

又長一尺八分厚一寸七分文曰萬歲不敗下端
萬歲二字俱陰文

又長一尺一寸厚一寸七分文曰萬歲不敗每字
間以弼文萬作萬歲作歲不作采敗作敗出鳥程
又長一尺七分厚一寸四分文曰萬歲不敗萬作
簡歲作簡不作采敗作敗

萬歲不疊磚

長一尺一寸厚一寸四分文曰萬歲不疊出鳥程

說文疆界也从田三其界畫也指事或从土疆聲
不疆猶無疆也詩七月萬壽無疆儀禮士冠禮黃
耇無疆小爾雅廣詁疆境也廣雅釋詁疆窮也

朱雀磚

長五寸四分厚一寸三分上狹下濶上三寸三分
下四寸六分上端有雙朱雀于飛之狀出烏程

樹磚

長八寸八分厚一寸三分左側作枯樹形與甘露
磚同出烏程之喬木山

雙行隔花磚

長四寸三分厚一寸五分左右側中間上半人形下
似豐字右傍建作墓道四字出烏程

花文磚

長一尺二分厚一寸四分左側四格花紋下格魚
紋上端上泉文下花紋出烏程

作此墓磚

長三寸五分厚一寸三分文曰月廿九上缺下端
日作此墓四字出烏程

吳平磚

長九寸九分厚一寸四分上端文曰吳平二字左

側四格又文吳氏墓磚也吳平子志乘無攷案三
國志孫皓傳天紀三年有蕢菜生工人吳平家高
四尺厚三分如枇杷形磚出烏程之烏山與鳳皇
三年施氏磚同地或卽其人歟

太陰在己丑壬子磚

長七寸五分厚一寸三分文曰太陰在己丑壬子
上泐下端有一龍案厯家惟鄧平太初術劉歆三
統術兼以太陰太歲紀歲太陰亦曰歲陰與太歲
不同太歲自子左行太陰自丑右行每在太歲之
後二辰太歲在子太陰卽在寅太歲在丑太陰卽

在卯漢太初改元詔曰復得闕逢攝提格之歲又
曰太歲在子是也史記歷術甲子篇起太初元年
闕逢攝提格盡七十六年皆以太陰紀歲此太初
術兼以太陰紀歲之明証也或疑史記爲褚少孫
所補然少孫亦元成間人身在郎署非妄說也漢
自武帝太初元年始用太初術至章帝元和二年
始改用編訢四分術凡以太歲太陰并紀歲者一
百八十八年是磚雖年號已缺以太陰紀歲証之
其爲漢物無疑出烏程

李宗蓮太陰在己丑壬子磚攷

西漢紀年有太陰太歲兩法著于史記淮南子蓋
太陰者卽歲陰也太初元年太歲在丁丑歲陰甲
寅故史公命爲闕逢攝提格之歲漢書天文志本
承用史記之文而云太歲在寅曰攝提格是以歲
陰爲太歲其誤實始于班氏然翼奉以初元二年
上封事云今年太陰建于甲戌奉所謂太陰卽指
太歲則初元雖存太陰之名而紀年已非太陰之
實矣近代錢竹汀先生嘗以三統術求太初丁丑
歲陰甲寅推至初元甲戌太陰當在辛亥今本此
法衍之則地節元年太歲在壬子太陰正在己丑

今是磚文曰太陰在己丑壬子己丑以太陰紀壬子以太歲紀也疑作此磚時正當地節元年惜上四字泐不可辨後元延四年亦爲壬子然初元時已祇存太陰之名後此年逾遠恐并其名亦去之矣而超辰之法至東漢遂亡己丑初釋爲乙丑攷漢隸諸碑乙作乚作乙今磚作乙上畫如曲鈎形而左側微作頓挫自當釋爲己字無疑

氏陵磚

長五寸厚一寸三分文曰廿九氏陵作上斷出烏程氏氏墓磚也陵人名案吳志是儀本姓氏孔融

嘲儀曰氏字民無上乃改爲是是古有氏氏矣

萬歲崇高磚

長一尺一寸二分厚一寸四分文曰萬歲崇高上
端文曰崇高崇作𡵓高作𡵓崇高亦頌禱之辭案
說文崇嵬高也詩崧高維嶽傳崧高兒漢書楊雄
傳瞰帝唐之嵩高今說文無嵩崧字嵩高崧高皆
崇高也崇者正字嵩崧皆後出隸變也出烏程

富貴磚

長五寸厚一寸五分上端文曰富貴出烏程

觀者磚

長五寸六分厚一寸六分文曰觀者一字一格下
斷篆書出烏程

安吉磚

長四寸二分厚一寸左側文曰施者安吉上斷下
端文曰永年萬歲出烏程

包李磚

長一尺五分厚一寸四分上端包李二字左側元
火又甲四字或曰火乃光之省文甲乃年之別體
疑爲元光五年然光字不可省作火包李二字書
法決非西漢殆包氏墓磚耳出烏程

富貴壽磚

長一尺一寸六分文曰富貴壽萬年宜子上端文
曰孫眾眾字下一字不可辨出長興

八月十五磚

長四寸四分厚一寸三分文曰八月十五作上斷
出烏程

息隱未彰磚

長三寸厚一寸八分上端文曰孫息隱未彰孫字
上一字及左側字均泐不可辨似以四字爲句如
范皮墓磚以數磚刻銘辭于上惜可見者僅此耳

出烏程西崦山隸書甚精

晉故關內磚

長四寸二分厚一寸一分文曰晉故關內下斷關
內侯本秦制漢魏晉皆仍之此關內侯某君墓磚
惜其下已缺不可考矣出烏程

都尉磚

長三寸八分厚一寸五分文曰都尉東遷王上斷
都尉官名晉官制有奉車都尉駙馬都尉騎都尉
皆奉朝請見晉書職官志又有殿中都尉見輿服
志東遷縣名談鑰吳興志云晉武帝太康三年析

烏程西鄉爲長城東鄉爲東遷見輿地志宋書州
郡志同王姓也出烏程

孔餘杭磚

長一尺五寸厚一寸五分上端文曰孔餘杭之靈
郭曰孔餘杭者孔姓而官餘杭縣令者案餘杭縣
秦置漢屬會稽郡後漢屬吳郡三國吳屬吳興郡
晉宋齊梁陳皆仍之磚與宋永初元年同出當屬
劉宋宋餘杭令咸淳臨安志祇載二人無孔君姓
名此磚足補杭郡志之缺惜不著其名耳出長興
三日創立磚

長五寸一分厚一寸二分文曰亥八月癸酉朔二
日創立上斷出烏程

吳興立磚

長四寸厚八分文曰吳興立下斷出烏程

陳恩磚

長七寸厚一寸三分文曰元年八月陳恩作上斷
下端花紋陳氏墓磚也陳恩無攷出烏程

大吉磚

長五寸厚八分下端大吉二字左側有王字王字
下又文二上斷出烏程

三
宜王富貴磚

長一尺一寸厚一寸四分文曰宜王富貴出長興
壽貴磚

長一尺厚一寸三分左側陰文壽貴二字壽字上
一字及上端二字俱古篆不可識出歸安

古篆字磚

長一尺四分之厚一寸四分左側文元美旁乙刃五
字另下窗文刃下一魚形上端大獎二字下囟
文下端天囟二字下又囟文出烏程

又長八寸八分厚一寸三分篆文囟囟囟囟囟囟

文不可識出長興

又長九寸厚一寸三分古篆不可辨

萬世不貝磚

長九寸六分厚一寸五分上端文曰萬世不貝左側文曰萬歲不敗出烏程案貝敗之省文也

其宜也磚

長一尺一寸厚一寸四分文曰而万市帀壬日吉巾下端文曰全具金王其宜也出長興

臨淮徐聞夫磚

長一尺厚一寸六分文曰臨淮徐聞夫公上端兩

又文一泉文出長興案臨淮郡名說見寶鼎碑下
徐姓聞夫字公者尊言之辭徐氏墓磚也